



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 7. An conditio honesta, si sit contraria bonis matrimonii, vitiet matrimonium?

[urn:nbn:de:hbz:466:1-73058](#)

Ad 1. confirm. Resp. cum distinctione maioris; deberent etiam vitiare illam apposae post matrimonium ritè contractum, si apponenter eo modo, quo repugnant illius essentiae. C. majorem; si alio; nego majorem. Si autem apponantur post matrimonium ritè contractum, non apponuntur, nec apponi possunt *co modo*, quo repugnant eius essentiae. Nam obligatio ad eas conditiones bono matrimonii oppositas, solum repugnat essentiae matrimonii, in quantum contrariantur voluntati se obligandi ad ea bona, *dum quis contractabit*; non autem postquam contraxit. Nam tunc repugnat simul esse in contrahentibus duas voluntates efficaces: obligo me ad prestanta bona matrimonii, obligo me ad non prestanta bona matrimonii: si voluntas non dandi premium pro re vendibili, non repugnat *emptioni facte* adjecta; secus adiecta in principio. Accedit, ut recte notat Fagundez. lib. 1. de contractibus c. 7. num. 17. quod quando ea conditio apponitur in principio, apponatur, ut *constitutiva contractus*; non autem, quando apponitur contractui jam constituto; ergo non apponitur utroque eodem modo.

Ad 2. confirm. de precario Resp. tam conditionem (ut possit quandocunque revocari) non pertinere ad substantiam precarii, sed tantum ad qualitatem, qualiter conditio seu pactum, non revocandi, adjectum testamento, non est contra substantiam, sed solum qualitatem, consensus ad testamentum requisihi, ut docet Covarr. 4. Decretal. 2. p. c. 3. §. 1. num. 17.

Ex dictis colliges 1. non tantum iure potirive, ut constat ex dictis; sed etiam naturali, omnes dispositiones, & contradi-
ctus vitiari, ac irritos esse, adiecta conditio contraria substantiae talis actus; quia contradictionem implicat, quod quis simul efficaciter velit substantiam actus, & aliquid contrarium substantia actus, seu illi repugnans. Collig. 2. idem dicendum de conditione pro quolibet statu, si incomplicabilis sit cum voluntate se obligandi ad praedicta bona matrimonii. Ratio est omnino eadem; quia sic deberent simul stare duæ voluntates circa idem, contraria, quod repugnat; & ideo etiam conditio resolvens, licet non sit suffi-

dens, viciat contractum v. g. *duco te, donec aliam diuinem invenero*. Hæc enim tollit consensum in perpetuitatem, qui est de substantia matrimonii; ita Sanchez. cit. lib. 5. hic D. 98. Collig. 3. hanc conditionem: *si non invenero aliam diuinem*, consensu posse apponi, vel in vim obligacionis v. g. ut ab obligatione liber sim, si aliam invenero; vel suspicive, nimirum, animo se non obligandi prins, quam conditione purificetur aut deficiat. Collig. 4. Si ea conditio adjiciatur primo modo, vitiari contractum: secus, si secundo. Nam in primo obligatio separabilitatis admittendæ, contraria est obligacioni inseparabilitatis; quæ obligationes non concurrunt in secundo, ut patet consideranti. Nam si aliam inveniat, deficit consensus in perpetuitatem datum, sub conditione, si aliam non invenero; si autem non inveniret aliam consensus evadit absolutus, & nulla runc adeat obligatio ei concedendi separationem. Coll. 5, hanc conditionem *si te adulterandam tradideris*, posse apponi vel per modum obligacionis, ut sensu sit, *si te obliges ad adulterandum*; & sic viciat matrimonium, quia voluntas se ad hoc obligandi est incompossibilis cum voluntate se obligandi ad non adulterandum, quæ voluntas est de substantia matrimonii, vel solum per modum executionis, ut sensu sit, *si habeas propositum non servandi quod promittis*, & ad quod te obligas; & in hoc casu non viciat matrimonium; sed tanquam turpis habetur pro non adiecta. Collig. 6. vitiari matrimonium adiecta conditione, *si te obliges non reddere debitum iuste petenti*, vel, *si te obliges necare prolem nobis natam*; aut, vitiandi in corpore, reddendo cæsareum, mutilam. D. Nam hæc obligatio contraria est voluntati se obligandi ad curandum bonum prolis, saltem negative, nimirum non nocendi corporali ejus saluti.

§. 7.

An conditio honesta, si sit contraria bonis matrimonii, viciet matrimonium?

Responso est affirmativa; ita Sanchez. cit. lib. 5. hic D. 10. num. 2. qui tamen oppositam negativam, quam (ibid. num. 1. tenent Paludanus, & alii) vocat verē

C. 3

pro

probabilem. Ratio hujus est non tantum ex jure positivo, quod constitutio c. finalis sit indefinita, consequenter universalis; sed etiam ex jure naturali, quod simpliciter recusat duas voluntates contrarias circa idem simul tempore, ut dictum est in prioribus Pontifex enim in c. fin. non respexit ad honestatem, vel turpitudinem conditionis, quando dixit: *per conditiones substantiae actus contrarias, vitari actum, sed ad repugnantiam conditionis adjectae, cum consensu in bona matrimonii, quoad obligationem.*

797. Ex hoc autem nascitur quæstio, an si duo contrahant matrimonium, exprefse adjectâ conditione, *servandi castitatem in conjugio*, ea conditio sit contra substantiam matrimonii, consequenter contractum vitiet, ac irritum reddat? admitto Conjuges matrimonio rite contracto posse de mutuo consensu edere *votum castitatis*, debiti non petendi, vel Religiosis ingrediende; non enim repugnat, quod quis usum juris legitimè acquisiri sibi voluntariâ obligatione interdicat: sed an possint in principio contrahere cum tali obligatione voti? non omnes æque convenient. Nam in quæstione (*an dum quis contrahit matrimonium, cum intentione servandi castitatem, hoc ipso intendat aliquid repugnans substantie matrimonii*) multiplex est Doctorum opinio. Paludanus in 4. dist. 30. q. 2. docet matrimonium sub ea conditio contractum non vitiare, licet sic contra substantiam matrimonii, seu bonum prolixi; volens c. fin. b. t. intelligendum duntaxat de conditione turpi, & contraria substantiae matrimonii; non de honesta, qualis est, si servaveris castitatem.

798. Mr. Gonzalez in c. *Insinuante* b. t. n. 8. censet illâ conditione in ipso contractu deductâ in pactum, vitari matrimonium, eò quod conditio servandi castitatem excludat consensum in mutuam cohabitacionem, hoc est in jus, & potestatem ad copulam; quod etiam docet Sanchez. lib. 5. hic D. 10. n. 3.

Similiter Waldensis de Sacram. c. 131. docet, matrimonium impediri, quando illud contrahitur cum intentione implicita, & virtuali *servandi castitatem*. Nam ad matrimonium necessarius est consensus, saltem implicitus in ea, quæ sunt

de ejus essentia; sed proles, fides, Sacramentum, sunt de essentia matrimonii ex D. Thoma in 4. dist. 31. q. 1. a. 3. supra n. 793. relato: ergo voluntas excludens ea excludit matrimonium; talis autem est voluntas, *servandi castitatem*; ergo.

Sylvester V. Matrimonium 4. q. 1. s. & 6. & alii, censem per conditionem substantiae matrimonii contrariam, mente retentam, matrimonium non vitiare; quia ad matrimonium tantum desideratur consensus contrahentium, signis, seu verbis expressus; consequenter conditio mente retenta nequit illud vitiare.

Basilius Pontius lib. 3. de matrimonio c. 11. n. 6. docet, conditionem de vitanda copula, sive ex patre, sive ex voto, positam in contractu matrimonii, non esse contra ejus substantiam, id, quod videtur ceteris probabilius. Quia voluntas ejusmodi conditionis, etiam in pactum deductæ, non est contraria consensui, ad verum ac legitimum matrimonium requisito; cum aliis non requiratur, quam consensus mutuus sufficienter expressus, quo contrahentes sibi mutuo (privativè ad alios) constituant jus perpetuum sui corporis ad usum conjugalem; huic autem consensui non repugnat voluntas servandi continentiam, ut patebit ex seq. Ergo.

Nam 1. voluntas alteri constituendi, & vicissim acquirendi jus corporis ad usum conjugalem; & voluntas non utendi jure non sunt voluntates opposita; sicut opposita non sunt, *nolle copulam*, in modo velle obligari ad non utendum jure copula, & velle retinere jus ad copulam. 2. quia licet obligans se ad castitatem excludat omnem consensum in copulam, per hoc tamen non excludit consensum in acquirendum jus ad copulam; haec enim duo simul stare possunt. Hinc velle matrimonium contrahere, seu velle acquirere jus ad copulam, & jus acquisitum velle retinere, solum differunt in hoc, quod in primo casu quis velit acquirere: in secundo jam acquisitum jus ad copulam retinere; atqui haec secunda voluntas non est consensus in copulam (stat enim in Conjuge post matrimonium consummatum professo) ergo nec in primo.

3. Non eriam ex eo, quod ejusmodi conditio repugnet bono prolis essentia-liter intento in contractu conjugii. Nam bonum prolis, quod in contractu matrimonii necessariò intendi debet, non aliud exigit, quam *jus ad copulam* cum obligatione non vitandi prolem, *positivè*, ac *inquit*, per media illicita impediendo ejus generationem, ac reddendo se ineptum ad proliferationem, seu Sobolis suscep-*tionem*; sic *Castropol.* *bis D. 2. p. 11. §. 4. num. 7.* sed cum tali consensu stat voluntas servandi castitatem, præsertim, cum valde congrue dici possit, cum dicitur: *in matrimonio debere intendi bonum prolis*, aliud non significari, quam per ejusmodi contractum conjuges debere sibi consti-tuere *jus ad usum conjugalem*, seu copulam, non causâ merae voluptatis, sed causa fisciendi proles, si jure suo uti velint.

Ex hoc sequitur, eam conditionem: *si prolem vites*, quam Pontifex in *c. fini- b. t.* numerat inter conditions *contra sub-stantiam matrimonii*, non debere in eo loco sumi merè *negativè*, quasi diceret, hanc conditionem (*si non velis uti jure conju-gali*) esse contra substantiam matrimonii: *sed positivè*, nimirum, *si velis vitare prolem positivè* impediendo, ut exppositum est. Ratio est, quia alias non utendo jure copulae, agerent coniuges contra bonam proles, prout illud intendere pertinet ad substantiam matrimonii, id, quod dici potest, cum nec implicita quidem intentione, utendi jure copulae, ullo modo pertineat ad substantiam contractus conjugalis, ut patet ex dicendis.

Dices tamen 1. voluntas apponens eam conditionem (*si prius te voto cafti-tatis obstrinxeris*) est contra bonum prolis, ergo vitiat matrimonium; patet consequentia 1. quia haec conditio (*si prolem vi-taveris*) vietat matrimonium; ut patet ex *c. fin.* sed illa conditio est eadem ac ista; ergo etiam ista vitiat matrimonium. 2. quia voluntas excludens finem conjugii, est contra hujus substantiam (*sic enim excludit intentionem contrahentis, quae est de substantia matrimonii*) consequenter vitiat matrimonium: sed voluntas illius conditionis est voluntas excludens finem matrimonii; excludit enim omnem consensum in copulam, consequenter in

prolificationem, quæ est finis matrimonii, ergo.

Resp. voluntatem, quæ apponit eam 801. conditionem (*si ex voto servaveris cafti-tatem*) non esse contra bonum prolis quoad obligationem, sed tantum quoad execu-tionem, bonum autem prolis, *consensu* in executione, hoc est in usu juris ad co-pulam, seu in ipsa copula, non est objec-tum, in quod ferri debet consensus, qui est de substantia matrimonii, ut tenet ipse Sanchez supra relatus; ergo voluntas ap-ponens eam conditionem (*si ex voto ser-vaveris caftitatem, vel voto ad illam te ob-liges*) non est contra bonum prolis, prout hoc est objectum consensus, in quod ferri debet consensus; qui est de substantia ma-trrimonii; ergo non vitiat contractum conjugii sub ea conditione initum.

Ad 1. prob. conseq. Resp. eam con- 802. ditionem (*si prolem vitaveris*) intelle-ctam solūm *negativè*, nimirum (*si ex vo-to copulam intermisceris*) non vitiare ma-trrimonium, nec in hoc sensu in *c. finali à Pontifice numerari* inter conditions, quæ sunt contra substantiam matrimonii, secūs, intellectam *positivè*, nimirum per media mala, ut dixi *num. 799.* at sic non est idem, ac conditio, *ex voto servandi caftitatem*, seu non utendi jure copulae, ergo. Porro bonum prolis *quoad obligationem*, consistit in mutua tradizione corporum, seu in jure, & potestate mutua ad copulam conjugalem, & hoc est objectum, in quod ferri debet intentio, & consensus, qui est de substantia matrimonii: huic autem intentioni non contrariatur intentio (*ex voto non utendi eo jure*), quia haec duæ in-tentiones sunt circa distincta objecta; nimirum, circa *jus*, & *usum juris* ad co-pulam. 2. quia potest quis habere *jus ad aliquem usum*, & tamen habere obligationem non exercendi *talem usum*, ut patet in conjugibus, post matrimonium consummatum Religionem professis. Hi enim retinent *jus ad copulam*, & tamen voto prohibentur à tali usu. Idem est in his, qui post simplex votum caftitatis in seculo validè, sed illicitè, contraxerunt; Ergo.

Ad 2. prob. conseq. in n. 800. conce. 803. do voluntatem, quæ excludit finem intrin-secum matrimonii, omnino esse contra substantiam illius; non autem si excludat solūm

solum finem extrinsecum. Finis intrinsecus matrimonii est bonum prolis, *quoad obligationem*; extrinsecus, bonum prolis, *quoad executionem*; illum autem non excludit voluntas ex voto servandi castitatem, ut ostensum est; quia stat cum intentione tradendi mutuò jus corporum, ad copulam; ergo: ad hujus probat: quā dicitur: *quod voluntas apponens conditionem* (si ex voto servaveris castitatem) excludat omnem, consequenter etiam implicitum, & virtualem consensum in copulam, Resp. dato, quod excluderet omnem, atque ad eam implicitum consensum in copulam: ex hoc tamen non inferri, quod contrarietur consensui, qui est de substantia matrimonii, seu bono prolis, *quoad obligationem*. Omnis enim negatur, quod consensus in traditionem corporum, & potestatem ad copulam, saltem implicitè ac virtualiter feratur in copulam; nam hoc principium, quo utitur P. Sanchez lib. 2 bīc D. 28. (*consensus in aliquam rem, fertur saltem implicitè in effectum, ad quem illa res intrinsecè ordinatur*) omnino fallit. Ratio hujus est, quia productio entis essentialiter, & naturā sua ordinata ad alterum, non necessariò, etiam implicitè, ac virtualiter, est productio termini; alias educatio unionis inter corpus & animam, etiam foret educatione animæ: & qui producit motum corporis, produceret corpus, ergo. Nec voluntio connexionis, est implicitè, ac virtualiter voluntio termini, alias consensus DEI in permissionem peccati, quod vedit infallibiliter futurum sub conditione certi auxili, est consensus in peccatum; & efficax amor medicinae, est efficax amor morbi præexistentis, &c. imò in his, quæ liberè omitti possunt, etiam posito ente ad ea intrinsecè ordinato, planè fallit; ut contingit in divinis auxiliis, quæ à voluntate creatæ fructari possunt, esto natura suâ in bonum ordinentur.

804. Quia tamen P. Sanchez. lib. 2. bīc D. 28. per implicitum & virtualem consensum in copulam, nihil aliud intelligit, quam explicitum consensum in contractum, quo constituitur jus mutuum, & potestas ad copulam, intrinsecè ad hanc ordinata, recte sequitur, quod voluntas excludens consensum etiam implicitum in copulam in hoc sensu, & juxta dictam suppositionem

consensus impliciti, eo ipso excludat consensum, qui est de substantia matrimonii; & ideo si suppositio vera esset, negari debet, quod voluntas apponens dictam conditionem, excluderet etiam implicitum consensum in copulam, quia non excluderet consensum explicitum in jus ad copulam, qui hic supponitur esse consensus implicitus ad copulam.

Ex dictis infertur I. quod consensus, 805. qui est de substantia matrimonii, nec implicitè sit consensus in copulam, ex n. 803. deinde, quod idem componi possit cum consensu, & obligatione voti ad servandam castitatem in conjugio quod voluntas conditionis (*si ex voto servaveris castitatem*) etiam in principio contractus apposita, non sit contra substantiam; quia non impedit efficacem translationem dominii in corpus ad copulam, ut supponit Sanchez nobis contrarius lib. 5. bīc D. 10. n. 3. constat ex num. præcedenti. 4. ex matrimonio contracto sub conditione (*ex voto servandi castitatem*) in conjugibus non sequi obligationes ad opposita, sed tantum obligationem reddendi debitum conjugi petenti ex jure non vinculato, & negligandi debitum, petenti ex jure vinculato, quæ non sint opposita, ut patet in exemplis allatis supr.

Hinc ulterius advertendum, quod, 806. licet jus conjugum, nascens ex contractu conjugali, sit jus utendi copulâ, quia talis actus in re sit peccatum fornicationis, non tamen sit jus utendi copulâ citronne peccatum in qualibet suppositione. Sic, licet vir, qui post simplex votum castitatis, illicitè, sed validè contraxit matrimonium, non committat peccatum fornicationis petendo, & exercendo copulam cum uxore, & hoc ex vi juris conjugalis, quo, hoc ipso, quod copuletur suæ, immunis est à fornicatione, non tamen excusat à peccato contra votum. Similiter, licet vir, vi juris conjugalis excusetur à malitia fornicationis, utendo copulâ cum suâ, etiam in circumstantiis, in quibus prævidet propter nimiam suam immoderantiam, uxorem inde subituram tali tempore (v.g. dum est gravissimè infirma) ingens periculum vita, aut diuturnæ infirmitatis: non tamen excusat à malitia contra charitatem, imò & justitiam. Nulla enim mulier, dum subit, jus naturale, quod

quod habet, ne ex viri nimia immoderatio in usu juris conjugalis, ledatur periculose in corpore, à se unquam abdicat, ex hoc, quod nubat.

Ex hoc autem sequitur, quod quilibet conjugum, licet habeat jus iustitiae, utendi debito conjugali *quoad substantiam* extra peccatum fornicationis in re; si nullatenus habeat *obligationem iustitiae*, non utendi debito Conjugali, *hoc vel illo modo*, quem scilicet recusat jus existens in altero, ne fiat hoc vel illo modo, v.g. Tunc, quando inde is, qui debitum reddit, & redire *quoad substantiam* tenetur, ex actu tali modo redditio, vel admisso gravissima mala pati cogeretur. Unde quando in contrastruictrionib[us] adiicitur conditio (*si non tenetur, in predictis circumstantiis, reddire debitum*) non apponitur conditio contraria substantia matrimonii, etiam si (*ly non tenetur*) ponatur *ex voto*, vel *pacto iustitiae* *obligationem inducente*; consequenter per ejusmodi conditions non viatiari matrimonium; quia ex hoc solum sequitur, quod quis vi iuris sui possit uti copula, *quoad substantiam*, & obligetur non uti, *tali modo, loco, tempore*; hæc autem contraria non sunt; ergo. Sic Castropalauis D.2 de Sponsa, p. 11. §. 4. n. 6. cuius ratio est, quia habere ius iustitiae ad faciendum aliquem actum, & *obligationem iustitiae* non utendi eo jure, non sunt contraria, potest enim dominus rei, pacto seu contractu legitimo sibi usum sui juris sequere ac votu, aut fidelitate interdicere. Ex hoc deducitur, non esse contra substantiam matrimonii, si conjuges contrahant adiecta conditione, *ex pacto mutuo servandi continentiam*; sic enim aliud non sequitur, quam quemlibet eorum habere jus ad copulam, sed vinculatum pacto, non utendi eo jure.

Si dicas, ex hoc sequi, quod quis in hac suppositione, utendo jure suo per copulam alteri faceret, & non faceret injuriam; non faceret; quia nemo utendo jure suo, facit alteri injuriam; faceret; quia ageret contra obligationem iustitiae, pacto induxtam de non utendo jure suo: deinde, sic uxor ex iustitia teneretur, Viro petenti, debitum reddere; cum ad hoc obligetur ex jure conjugali, quod inducit obligationem iustitiae, & ex iustitia posset Viro petenti negare debitum, consequenter non

Tom. IV.

teneretur ex iustitia Viro petenti debitum reddere; quia vi pacti acquiuit ius, eidem negandi debitum peritum.

Resp. nego sequelam; dico enim, quod in hoc casu alteri tantum faceret injuriam violando pactum de non utendo jure suo. Ad hujus probationem Resp. 1. cum dist. *nemo utendo jure suo non vinculato* (seu ligato lege, aut pacto voluntarie initio) *alteri facit injuriam* C. utendo jure suo vinculato N. in hoc autem casu, ius utendi corpore alterius per copulam, est vinculatum pacto mutuo, ut ponit casus; ergo. Deinde Resp. Negandouniversaliter illud principium: *nemo utendo jure suo facit alteri injuriam*. Nam hoc in multis fallit, ut ostendi in tractatu Theologico, de jure & iustitia q. 1. qui enim post Sponfalia ritè contracta cum Berta, nec legitimè dissoluta, contrahit de praesenti cum Caja, Berta facit injuriam; & tamen, contrahendo cum Caja, utitur jure suo, seu porestate juridicâ; nimis sibi constituta favore legis tali contractui tribuentis valorem juris. Similiter ter qui manè Titio vendit equum accepto pretio, spondens equi traditionem (à meridie, & sub hoc accepto pretio vendit, & tradit Cajo). Titio facit injuriam; & tamen utitur jure suo, dum venditionem, ac traditionem facit Cajo; alias enim non transstulerit dominium equi validè in Caju, si actus non procederet à jure, quod habet, vendendi equum validè etiam in hoc casu.

Ad idem argumentum in num. 808. 809.

Resp. 2. solum sequi, uxorem in eo casu ex iustitia teneri Viro petenti debitum reddere, nullà facta suppositione pacti, vel voti, & non teneri ex iustitia, facta suppositione pacti; quae non sunt opposita, ut rectè nota Castropal. cit. num. 7. Jus con-

jugale in quilibet conjugum parit obligationem iustitiae alteri petenti reddendi debitum, nullà suppositione facta, non autem facta suppositione v. g. obligationis voluntariae, quam habens tale ius, sibi liberè imponit, non utendi eo jure; vel periculi gravissimi tunc nascituri ex usu juris.

Hinc etiam negandum est, per conditionem (*expacto, vel voto servandi castitatem*) impediri translationem dominii in corpus alterius ad usum conjugalem; nam voluntas constituendi ius alteri

Dd

ad

ad talēm usum componi potest cum obligatione actuali non utendi eo jure, ut ostensum est; & dicetur infra. Unde licet conjuges supposito voto, vel pacto, de castitate servanda, non possint uti jure suo talēm usum componendo cum voto, vel pacto, nisi peccent; non propterea tale jus est frustaneum. 1. quia adhuc utile esset, si contra votum uterentur jure suo; nam ex vi talis juris ille usus non esset fornicarius. 2. satis est, quod initilitas illa non sit illis imposta ex necessitate ipsis non liberā, ut patet in aliis iuribus, & potestatibus, voluntario vineculo impeditis, non per se, sed per accidens, & solum ex suppositione.

810. Ex his sequitur 1. non vitiari matrimonium apposita conditione ab uno conjugum (sive obligis ad non petendum debitum) quia cum hac obligatione non petendi, stat voluntas alteri tradendi corpus ad usum conjugalem; voluntas enim conditionis solum exigit obligationem non utendi jure petendi; ita Sylvester. V. matrimonium 4. q. 7. sequitur 2. idem dicendum in casu, quo contrahit sub conditione, ne quis dependenter à pacto cogatur debitum reddere. Nam hæc conditio solum excludit voluntatem utendi jure petendi ex suppositione alterius consentientis in pactum non reddendi; non autem voluntatem illi dandi jus absolute, & independenter à suppositione consensū in pactum; ita Pontius lib. 3. b. c. 6. n. 11. Sensus est, etiam valere matrimonium, si Titia contrahat matrimonium cum Cajo sub conditione, si Caius se obliget pacto initio, non utendi jure ad copulam; consequenter nec utendi jure, quo alias obligare possit Titiam, ut reddat debitum. Et quamvis alicui visum sit, quod Pontius hunc casum loco cit. non habeat; verum tamen est hunc auctorem in cit. loco num. 11. viam ostendere ad numeros sequentes, ubi eum tenet. Nam in n. 13. proponit hunc casum: an valeat matrimonium: *contraho tecum, si ego minimè teneor debitum reddere, quoties tibi non licet exigere*, & num. 14. responder, *valere*; hic autem casus idem est cum illo, quem supra posui, nam, *contraho tecum, si pacto initio, nolis uti jure copulae*; vel *contraho tecum, si dependenter à pacto non*

utendi jure copulae non teneas reddere, ac: contraho tecum, si ego minimè teneor debitum reddere, quando tibi vi illius padri non licet exigere, in re idem sunt.

Utrumq[ue] casum negat Sanchez; pri-
mum, lib. 5. D. 10. num. 4. alterum cod.
lib. 5. D. 11. num. 2. cuius ratio est. 1. quia
de ratione matrimonii est totalis traditio
corporum, ex qua dimanet mutuum, &
æquale jus ad corpus alterius; sed in illis
casibus hoc non contingit. Nam in pri-
mo non traditur *ius petendi*; in secundo
autem non est *ius equale*. Unus enim ha-
beret *ius petendi*, & *reddendi*; alter au-
tem, *solum petendi*. Sed Resp. conce-
dendo per contractum matrimonii cuilibet
conjugum constitui debere *ius petendi*
& *reddendi debitum absoluè*; sic scilicet,
ut *ius corporis alterius*, seu copula sit eo
ipso *immunis à malitia fornicationis*; cum
ex vi illius juris sit *ius*, & copula cum
coniuge suo; negari tamen, per matrimo-
nii contractum cuilibet conjugum consti-
tuti debere *ius petendi*, & *reddendi* sic, ut
talis *ius corporis alterius*, seu copula sit
*immunis à omni malitia in quacunque
suppositione* v. g. legis tunc copulam inhiben-
tis; voti, aut pacti, de non utendo
jure suo. Primum autem in utroq[ue] casu
stat, ut patet consideranti: & secundum
non requiritur, ut ostensum est: Castropal.
cit. d. 2. p. 11. §. 4. n. 7.

Confirmari potest hoc totum ex ca-
su, quo matrimonium contrahunt, vir,
& mulier, scientes se obligatis voto sim-
plici servandæ castitatis, nam hoc non
obstante validè contrahunt, licet nenter
alteri constitutat, aut constitutere possit
ius ad copulam stante voto exercendam
activè, vel passivè *citra malitiam peccati*
contra votum; & quamvis uterque sciat
alterum actu obligatum, *ad non usum iuri-*
ris sibi nascientis ex eo contractu valido;
adhuc tamen non impeditur translatio
juris mutui in corpus alterius, prout re-
quiritur: ergo potest alicui constitui *ius*
plenum perendi & reddendi debitum ab-
solutè, stante obligatione illo non uten-
di; ergo sicut hæc obligatio, sic voluntas
eam deducens in pactum, stare potest cum
voluntate efficaciter transferente *ius in*
corpus suum per usum conjugalem.

Ratio-

813. Rationem dat Pontius cit. num. 12. dicens: ideo ibi non obstat, quia talis obligatio antecedit contractum matrimonii, pro casu, quo contrahunt post simplex votum castitatis; Verum etiam conditionis impletio (in casu, quo talis obligatio affumitur pro conditione, sub qua contrahitur) antecedit contractum, sub ea conditione celebratum; cum natura prius sit conditionem impleri; unde sicut ibi, ita hic prius, quam contraetus sic absolutus, usus matrimonii est impeditus; ergo si hoc non officit, nec officiet istud.

814. Hoc ulterius confirmat Pontius cit. ex doctrina P. Sanchez lib. 5. hic D. 9. ubi docet, quod matrimonium non evadat irrum, quando conditio, ejus substantiae contraria, adjectur suspensio, suspensio scilicet contractu, donec ea conditio eveniat; cuius rationem dat, quia in hoc casu matrimonium non concurrit cum conditione, sed conditio prius impleri debet, quam sit matrimonium. Unde subsumit Pontius: sed etiam in casu, quo obligatio talis conditionis implenda ponitur pro conditione, sub qua contrahitur, conditio prius impleri debet, quam sit matrimonium; cum hoc esse non possit ante conditionis eventum, a quo consensus penderet; ergo nec obstat, si sub conditione ponitur obligatio de praesenti.

815. Sed revera, si loco cit. attente legatur Sanchez, expressè docet viciari matrimonium, etiam si conditio repugnans ejus substantiae adjiciatur suspensio, edò, quod etiam in hoc casu inducat obligationem repugnantem matrimonio, quod sub conditione talis obligationis (v. g. non petendi, non reddendi debitum) contrahitur. Nec juvat Pontium in hoc casu paritas desumpta ab his, qui scientes obligationem voti prius emitti, nihilominus contrahunt valide. Nam in hoc casu *consensus obligatio* voti consensum substantialē in matrimonio non antecedit *solo signo*; sed tempore; atque adeo consensus in conditionem repugnantem substantiae matrimonii, & consensus in ipsam substantialē matrimonii (qui ponuntur esse consensus circa idem contrarii) non sunt simul tempore: secūs, licet unus sit in priori, alter in posteriori signo naturæ, hoc enim non obstante adhuc sunt realiter in eodem

Tom. IV.

Dd 2

gale,

gale, quæ tamen voluntas est de substantia matrimonii.

818. Sequitur 3. hanc conditionem contractui appositam (*si non tenebor tibi debitum reddere, quoties tibi non licet exigere*) non esse contra substantiam matrimonii, quando sensus est, quoties tibi *jure* non licet exigere; ut contingit in casu, quo coniugi adultero innocens *jure* negat debitum, vel si petat in loco sacro; ita Sanchez. cit. lib. 5. D. 11. num. 3. Ceterum, extra hos casus, idem Author cit. num. 2. negat, valere conditionem, & matrimonium non vitiare, si ea conditio futurum universaliter, in hoc nimirum sensu: *si non debeam reddere debitum, quoties tibi non licet exigere*; eo, quod multi possint casus occurrere, in quibus vir petendo peccet mortaliter, & tamen uxor negare non possit. 1. si vir ligatus voto castitatis, vel animo fornicario, vel dubius de valore matrimonii perat, uxore certa de valore. 2. quia conditio auferens jus iustitiae in corpus alterius est contra substantiam matrimonii, sed hoc facit ea conditio; Ergo.

819. Verum oppositum probabilius est, quia nulla datur darive potest obligatio ad cooperandum alterius actui, qui nunquam fieri potest ab eo, nisi male, seu illicite; alias daretur obligatio ad peccatum: sed ligatus voto castitatis, stante tali voto, nunquam petit licite, nec eam petitio nem in hoc casu facere potest, nisi male; ergo in tali casu alter non habet obligacionem illi cooperandi, quod tamen fuerit, debitum reddendo. Cum autem certa sint circumstantie, ubi conjugibus clausis in loco sacro etiam petere licitum est, prout traditur ad sextum preceptum decalogi, eo quidem casu alter reddere tenebitur; sed non extra illas, ubi petere prohibitum est, ira, ut non possit, nisi male fieri. Unde cum copula fieri possit inter conjuges sine animo fornicario, eo ipso, cum taliter sit, non ita sit, ut non possit nisi male fieri, quo casu reddens non cooperatur imputabiliter alterius actui malo, ut non possit non male fieri.

820. Ad secundum Resp. datâ maj. N. min. nam ea conditio nec auferit, nec impedit ipsum jus iustitiae; sed tantum ejus usum, ut sepe dictum est; hinc nota, jus iustitiae

non consistere in facultate, alios in suum commodum *utcumq[ue]* obligandi, ne in usu ejusmodi juris, illud habens, impediatur, sed solum, ne in usu, qui est juxta legem juris constitutivam, & intrinsecam; non autem, in usu, qui est contra legem juris non constitutivam, & extrinsecam. Certum est autem jus iustitiae frequenter constitui per legem, quæ tribuit valorem actui, quin excludat legem præcisè prohibentem talem actum: ergo fieri potest, quod quis *jure* faciat actum, in quantum est juxta legem juris constitutivam, esto sit contra legem præcisè prohibentem juri extrinsecam. Et ideo (licet conjunx ligatus voto castitatis, carnaliter cognoscet conjugem) utitur *jure*, in quantum talis actus est juxta legem juris conjugalis constitutivam, quæ copula eximitur à malitia fornicationis, & evadit conjugalis, & simul, in quantum est contra legem præcisè prohibentem illum actum, stante voto, ratione cuius copula tunc est sacrilega, non tam fornicaria.

Ad illud, quod additur, *conjugem certum de valore matrimonii, debere debitum reddere alteri petenti, sed dubio de valore matrimonii, esto tunc illicite petat.* Resp. non teneri, stante illo dubio in pertente, ac sibi persuadente, se peccare petendo. Ratio est eadem, quæ num. 819. quia, cum eo casu petito non possit fieri, nisi male, nequit obligari ad cooperandum tali actui; & ideo multi dicunt, contractui, quo conjuges se mutuo obligant, ad jus copule præstandæ tacite inesse hanc conditionem, *si fieri possit licite.*

Et ideo conditio contractui conjugali apposita ab usu conjugali certis diebus (v. g. sextis feriis) abstinenti, non est contra substantiam matrimonii; quod sequitur à fortiori; cum nec conditio ex voto, semper abstinenti usu juris conjugalis sit contra substantiam matrimonii, ut haecenus dictum est, & tenet Pontius cit. c. II. num. 17. Accedit, quod nulla ratione contrarium sit conjugio decreatum, concedens jus, primo bimestri (quod conceditur pro deliberatione de ingressu Religionis) non consummandi matrimonium, atque adeo nec votum.

Quæ-

Quæres, an quando conditio contraria substantia matrimonii apponitur ab uno tantum, vitetur matrimonium? Quatuor sententias in hac materia refert Sanchez cit. lib. 5. b. c. 13. ubi Prima docet, non vitari matrimonium, si eam apponat uterque contrahentium; Secunda, vitari matrimonium, valere tamen in vim Sponsalium; Tertia, nec matrimoniu, nec Sponsalia eo casu nasci: Quartu, valere matrimonium secundum copulam; non autem secus. Primam, & Quartam Sanchez cit. num. 5. censet valde probabilem: tertiam, ceteris probabiliorēm; quod omnino tenendum videtur; quia impossibile est, stare contractum, scilicet aliquo illius substantiae contrariante; sed si conditio est contraria substantia matrimonii, manet contraria, licet ab uno tantum adjecta; accedit, quod nunquam contrahent voluntates uniri possint, quando unus consentit pure, alter sub conditione contraria substantia matrimonii; ergo: sic Castropalaus de Sponsalibus D. 2. p. II. §. 4. num. 9.

§. 8.

Quid in desponsationibus operentur
conditiones turpes?

Ante resolutionem not. in foro conscientia standum intentioni contrahentium; in foro autem externo, quando sciri non potest, quo nimur animo ejusmodi conditiones adiectae sint? decisioni juris, ut notavimus n. 761. Not. 2. in eiusmodi casibus dubiis, conditiones turpes, dispositione Juris Canonici, haberi pro non adiectis, quando apponuntur in contractu matrimonii; consequenter, iudicandum, contractum pure celebratum, nimur consensum contrahentium non fuisse alligatum conditionis eventui, ut constat ex c. fin. b. t. ibi: licet aliae conditiones apposita in matrimonio, si turpes, aut impossibilis fuerint, debeant propter favorem (intellige matrimonii) pro non adiectis haberi. Hæc tamen regula limitatur, ut non procedat, si conditio turpis simul sit contraria substantia contractus. Tunc enim non reificitur, nec viciatur, sed vitiat contractum; qui enim efficaciter vult aliquid contractui contrarium, ne-

quit efficaciter velle contractum. Accedit ratio à nobis allata in supra dictis. Nam ubi conditio est contraria substantia actus, non est dubium de intentione eam apponentis. An autem, & qualiter reiiciantur conditiones turpes de praesenti, vel præterito, quando non sunt contrarie ipsi substantia talis contractus, constabit ex dicendis in sequentibus.

Dices: hæc conditio in contractu 824. matrimonii apposita (*si te adulterandam profiteris*) vitiat matrimonium, & non reificitur, licet inducat confidentes Sacramentum ad peccatum faciendum, consequenter licet sit conditio turpis; ergo & ista: v. g. *si furari tecum volueris*. Resp. in casu, (*si ponatur sub obligatione adulterium*) consequenter ubi ea conditio est contraria substantia matrimonii, omnino vitari contractum, & non reifici, quia tunc non est dubium de contrahentis intentione, cum ponatur contraria substantia finis directe quæsiti, nempe matrimonii; hæc autem ratio locum non habet in casu, quo dubitatur de intentione apponentis conditionem turpem, sed non contrariam ei fini, licet ponatur sub obligatione, si tecum furari volueris; hæc enim non est contraria obligationi coniugalis fidei; sicut foret obligari ad adulterandum.

Quæstio est, an si in desponsationi 825. bus apponatur hæc conditio: *si tecum concubueris*, contractus sit purus reiecta conditione, tanquam turpi? 2. *si te Virginem reperero*; 3. *si in primo concubitu mihi placueris*? Ad 1. respondet P. Sanchez lib. 5. b. c. 16. num. 4. si contractus celebratur per verba de praesenti sub illa conditione: *si admiseris copulam, vel concubitum*, & conditio intelligatur de copula turpi, seu extraconjugal, conditionem reifici, & statim esse matrimonium; si vero de coniugali, impletâ conditione, perfici matrimonium.

Verum universaliter dicendum est, 826. eam conditionem rejici tanquam turpem, quando non intelligitur de copula permittenda post matrimonium contractum, seu post conditionem purificatam; Nam omnis concubitus Viri, & foeminae, qui fuit, antequam matrimonium sit absolutum, est non conjugalis, consequenter

Dd 3

tu